



Villa Bixio e parrocchiale

giardin a l'ingleize a-o quæ s'è ispiròu inti secoli dòppo o Canzio pe progetâ o grandiozo parco da villa Palavexin de Pêgi. O mæximo duxe o l'è asoteròu inta gexa parochiale. Òua o palàcio o l'è a sede da squaddra de balòn do Zena; inta parte a mâ di giardin gh'è e cistèrne di depòxiti petrolchimichi da Carmagnani; inta parte a monte gh'è o canpo sportivo Pio XII, o casello autostradale e quarche atra strutûa ciù picinn-a.

Con l'Eutoçento, a Mortiòu vègnan costròie tante âtre ville in sciâ spalèa che da-o mâ a monta verso a colinn-a: e ville Bixo (*Bixio, già Lomellini*), Gavòtti, Nessi (pöi Binny), Rosca (*Rusca, poi Perla*) e ancon Oglietti, Castello e tante atre; in çimm-a a colinn-a a grandioza villa Pignon (*Pignone, poi Chiesa e Ansaldo*). Tra queste e ciù belle son stæte demolíe into primmo dòpogoæra: a Gavòtti pe fâ spaçio a-e cistèrne di depòxiti petrolchimichi da Superba; a Bixo, in faccia â strada Aorelia, pe costruí e caze d'ancheu. A villa Pignon a l'è stæta demolía, ròba da ascemelæ, inti anni Sciuscianta pe mètighe ò atri depòxiti ò in ricòvero pe vegi; no se n'è fæto ninte e sta demoliçion inùtile a l'è lasciòu tutto abandonòu e degradòu, conpreizo o grande e bello parco.

Infelice anche a fin da bèlla còsta formâ da 'na longa e sabioza mænn-a che da Sestri a l'arivava finn-a a-o Varenna, ocupâ da tanti bagni utilizæ dai numeroxi turisti che chinâvan a-o mâ da-o de là di Apenin. Tra i tanti vilezanti ilùstri che son pasæ pe o Mortiòu se regòrda o rè Umberto e a reginn-a Margheritt-a, ospitæ de spesso da a famiglia Rostan. Anche a torinéize contessa Govone, ch'a l'è donòu a Mortiòu quella scheua per i figèu picin do quartè, che tanto a l'è fæto parlâ in te 'sti méixi gior-



Pegli Multedo, panorama



Villa Lomellini

nali e televixon, a l'ea 'n ascidoa vilezante, òspite da famiglia Bixo.

A costrucion de l'ariopòrto a l'è stæta l'ùrtimo atto do scenpio fæto in sciò teritòio perché, purtròppo, o l'è formòu in garfo adatto a l'instalacion do pòrto petròli co-i sò conduti de l'èuio e i gròsci depòxiti petroliferi inta bassa val Varenna.

O scenpio fæto in sciò ponente zenéize inte quèsti setant'anni o l'è stæto spropositòu, co-o sò teritòio devastòu. E atività de l'òmmo se dèvan de segùo svilupâ, ma senza ronpi l'equilibrio de l'ambiènte e sciâtâ a vitta de chi sta de caza inte 'sti teritòi, pagando a-o cosci dito progresso in prexu tròppo âto e inposcibile da acetâ. Se dòppo quarchedun se mâveggia che i çitadin de Mortiòu séggian aragiæ...



Interno di Villa Pignone



Villa Pignone